


IGREYIDI 3 ILIMI LEKHAYA

Kuyamangaza, kodwana liqiniso



ISINDEBELE

Ileveli:

3

Incwadi

3



Ukufunda ngeenqhema okuhlahlwa ngutitjhere

Ngaphambi kokufunda

- Phendla uye ekhasini elinendatjana ezokufundwa. Khuluma ngeenthombe.
- Bawa abafundi bafunisele kobana indatjana imayelana nani ngokuthi bafunde isihloko bebaqale neenthombe.
- Yethula nanyana uhlathulule amagama alikhuni ngaphambi kobana abafundi bafunde indatjana.

Ukufunda kokuthoma

- Abafundi kumele bazifundele isiqetjhana ngokwabo.
- Abafundi kumele bafunde buthule nanyana bafundele phasi sakuhleba isiqetjhana soke.
- Khambakhamba hlangana nabafundi uqalisise kobana boke abafundi bayazibandakanya ekufundeni. Ungabawa kobana loyo umfundi oseduze kwakhe afundele phezulu indawana leyo efundwako.

Ukucocisana

- Buza imibuzo emayelana nalokho okufundiweko.
- Nqopha emagameni atjhejiweko, amatjhada nelwazi-magama.
- Uzokufunyana eminye yemisebenzi encwadini le ngemuva iqakathekile begodu ingahlala lokho ekungakhulunyiswana ngakho. (Khetha imisebenzi efaneleko nenembako eselevelini labafundi.)

Ukufunda kwesibili

- Ngamanye amalanga, ungavumela abafundi kobana babuyelele bafunde incwadi. Bangafunda ngamunye nanyana ngababili.
- Tjhejisisa ukufunda ngokutjhelela, ihlelo nelwazi-magama.
- Bawa abafundi baqedelele umsebenzi owenziwa ngeenqhema ekhona ngemuva kwencwadi le. (Khetha imisebenzi enembako esezingeni elifanele abafundi.)

*Nangabe kunesithombe esinje,
abafundi abalingise indatjana leyo.*



Ngemva kokuzifundela ngamunye, abafundi kumele bafunde ngeenqhema. Abafundi abasebenzisane ngeenqhema ukuqedelela umsebenzi onembako ongemuva encwadini le. Abafundi akukameli batlole okuthileko phezu kwencwadi le. Umsebenzi otlolwako awutlolelwe ngeencwadini zabo zokutlolela umsebenzi.

Kuyamangaza, kodwana liqiniso

Uthi nje bewazi?

Akwenzeki bonyana uthimule
uvule amehlo.




Ngokufanako,
iindlulamithi
nabantu

banamathambo

womgogodlho alikhomba abizwa
ngamavethebhreyi.

Iindlulamithi zisebenzisa iintamo
zazo ezide ukuze zikwazi
ukufikelela amakari
aseengaleni zemithi
eziphezulu. Ipunzi yona
ikarula amakari wemithi
aphasi.



Uthi bewazi nje bonyana
iindlulamithi zinamalimu amade
ngokwaneleko. Ziyakwazi
ukukhottha iindlebe ngelimu.



Uthi uyazi nje bonyana
iimfene ezaziwa
ngamatjhipanzi bonyana
zihlakaniphile?



Inwabu nanyana
i-okthophasi
nayikhambako isuka
kenye indawo iye kenye
enombala ohlukileko.
Umbala wesikhumba sazo
uyatjhuguluka ufane
nendawo leyo. Lokho
zikwenza ngombana
zingafuni ukubonwa
manaba wazo.




Nangabe i-okthophasi
iyasahlelwa, iyakwazi
ukukhupha ilif u le-enge
efipheleko ezokusilinga
loyo osahlelako.



Omunye umhlobo weenhlambi zinomsila oonejamo elifana nelihlo. Lokha isitha nasithi siqophe ukusahlela ilihlo lehlambi, akubi njalo ngombana sisuke siqophe emsileni. Lokho kunikela ihlambi ithuba lokubaleka.

Imikhombo emikhulu iyakhamba iye kude iyokufuna ukudla. Imikhombo ihlala ngemanzini amakhaza ngeTlhagwini, kodwana nakuthomako ukuba makhaza, iyafuduka imikhombo iye ngeSewula elwandle lapha kunamanzi afuthumeleko khona. Imikhombo ingakhamba pheze ama-8 km nge-iri. Lelo libanga elingadlula lalokha anawugijimako. Lokha amanzi aba makhaza ngeSewula, imikhomo ibuyela ngeTlhagwini. Imikhombo ikhamba ibanga elingaba ziinkulungwana ngasikhathi sinye somnyaka.



Brr...
Brrrr...








Itjhada elisamlozana
lomkhombo ohlaza
sasibhakabhaka
lingazwakala ebangeni
elingaba bubude
obuma - 850 km.



Iintjalo ezihlukeneko
ezingaphezu
kwama-600 zidla
ziziphilisa ngeenunwana.
Iintjalo ezinengi zibamba
iinunwana lezo ngokuthi
zivale msinya ithuthumbo
nanyana ngokusebenzisa
umtletlana namathelako
obamba iinunwana lezo.
Ngemva kwalapho iintjalo
zikhuphe i-esidi ezokuphula
iinunwana lezo zibe
ziinquqwana.
Utjho iziga!



Sizani!






Emalangeni wanamhlanje sele kunesiphaphamtjhini esikhethekileko esikhanjiswa lilanga ephasini. Isiphaphamtjhini leso asiyisebenzisi ipetroli. Sisebenzisa amandla welanga kwaphela. Siyawagcina amandla welanga emini ukuze sikwazi ukuphapha ebusuku.





Amandla
welanga
ahlwengekile,
awasilaphazi ummoya,
ihlabathi namanzi. Amandla welanga afikelela
ephasini ngelanga elilodwa, singawasebenzisa
umnyaka woke. Sifanele sifunyane iindlela
ezingcono zokusebenzisa amandla welanga.




Inyoka ephaphako?
Iinyoka eziphaphako zihlala eendaweni ezineentaba ze - Asia. Umhlobo lowo weenyoka uyakwazi ukuphapha ukusuka komunye umuthi uye komunye. Umhlobo lowo wenyoka ukwazi ukuphaphela phezulu ubuye uphaphele phasi begodu ukwazi nokweqa. Inyoka iyebuzwa. Okutjho ukuhlubula isikhumba sayo esidala.

Siphaphamtjhini!

Yinyoni!




Kunemihlobo yeenhlambi engaphezu kwama-60 ekwazi ukuphapha. Isilwana esimangazako lesi siyakwazi ukweqa siphume ngemanzini siphaphe emmoyeni ukubalekela ezinye iinlwana ezidla ezinye.





Ungatjhugulula umbala wamathuthumbo
ngokuthi uthele i-enge nanyana idayi
yokudla ngemanzini angevasini. Linda
isikhatjhana uzokubona amaphedali
atjhugulula umbala.

Lokhu kungebanga lokobana irhelo
lekhaphilari nanyana imithambo emincani
esiqwini sethuthumbo ngalinye iba nombala
wamaphethali.





Ingabe ikhona
ingozi oqalana nayo
nawuya esikolweni?

Abanye abentwana kumele
bazenzele amabhlorho
nanyana bakhwele imigunya
bakhwele iintaba nabaya
esikolweni. Abanye
abentwana bagcina
sebakhwele imiqaqado
nabeqa imilambo.



Amandla
wemagnedi.
Uthi bewazi nje,
nawungaphakamisa
imagnedi ibe ngehla
kwesanda nanyana eduze
kwesikhwama sakho
samapensela, iinsinjana
ezincani zizokukhuphuka
zinamathele emagnedeni.





Uthi bewazi nje bonyana iimbhadwa ziyakwazi ukukhwela iboda ngaphandle kokuthi iinyawo zazo zinamathele ebodeni? Lokha nazikhamba endaweni ekhuphukelako, amazwani wazo akhupha imagnedi ethileko engabonakaliko. Imagnedi leyo yenza bonyana "zinamathele" ebodeni njengoSpiderman. Lokho kwenza bonyana zibe msinya begodu zinamathele ngho.




Ukholo uza
kangaki azokuthatha
amazinyo abolileko bese
uletha amatjha?
Iingwenya zimila
amanye amazinyo njalo
ngemva kweminyaka
emibili. Bewazi nje
bonyana amazinyo
wamakhondlo
akakghunuki?
Amazinyo wamakhondlo
akhula njalo.



Bewazi bonyana
izinyo lendlovu
lingaba nesisindo
esingalingana
namathunga abu-8
wamanzi!

Imvubu ivamise ukuba
namazinyo ama-40.




Ngiziphi iinlwana ezikwazi ukweqa? Amaqina ayakwazi ukweqela phezulu khulu. Umgijimi onekghono angeqa adlule amamitha abunane ubude, ibhubenzi le - Afrika lona lingeqa amamitha alitjumi ubude. Ikhanga ru ye - Australia yona ubude obuli - 13 bamamitha.



Inunwana ephaphako
yikutani.

Yona ingeqa beyifike
kuma-300 wamamitha

ukudlula umzimba wayo. Akhe ucabange,
nangabe inunwana ephaphako umzimba wayo
uyihafu yesenthimitha, ingaphapha ngehla
kwehloko yakho. Nangabe besikghona ukweqa
njengenunwana ephaphako,
besizokwazi ukweqa itatawu
lezemidlalo.



Ngithumbile!

Umsebenzi wokufunda ngeenqhema



1

Qalalisa iinthombe. Uyakwazi ukubona iinlwana ezitjhugulula umbala nazizifihlako?

1



2



3




4



5



6





2

Tjela ohlezi eqadi kwakho bonyana isitatimende esilandelako ingabe siliqiniso nanyana simamala na.

	LIQINISO	MAMALA
i. Amatjhipanzi ahlakaniiphile.		
ii. Imikhombo emikhulu ikhamba ibanga elide izuma ukudla.		
iii. Ezinye iinlwana zidla amathuthumbo.		
iv. Iimbhadwa ziyakwazi ukukhwela imithangala.		
v. Amaqina ayakwazi ukweqela ebangeni elikude begodu akwazi nokweqela phezulu.		
vi. Iimvubu zinomhlobo owodwa wamazinyo.		
vii. Ezinye iinlwana zitjhugulula umbala ziye ngokuthi zikiyiphi indawo nazizifihlako.		
viii. Abantu banamazinyo wobuntwana kanye namazinyo wobudala.		
ix. Iinyoka zihlala endaweni enamanzi kwaphela.		
x. Ungathimula uvale amehlo.		



3

Tlola ngencwadini yakho yokutlolola umsebenzi woke amabizo weenlwana ezimunyisako. Hlangana namagama lawo, tlola amatshwayo wokufunda nokutlola.



4

Tlola irherho leenlwana ezilandelako ngencwadini yakho yokutlolola umsebenzi:
- ezirharhabako ozaziko bese utlola amatshwayo wokufunda nokutlola hlangana kwamagama.



5

Buyelelani nitlola imitjho elandelako bese nisebenzisa amatshwayo anembako wokufunda nokutlola.

- | | |
|------|--|
| i. | uthi bewazi nje kobana iinyoka zinesikhathi ezibuza ngaso |
| ii. | iingwenya ziphuma amazinyo amatjha qobe ngemva kweminyaka emibili begodu amakhondlo wona akakghunuki |
| iii. | iindulamithi zisebenzisa iintamo zazo ezide ukulalamela amakari aphezulu emithini |



6

Madanisani igama nependulo enembako. Ngemva kwalapho utlole imitjho ngamagama lawo ukutjengisa bonyana uyazwisisa.

inyoka

iimpepha

amakhondlo

izinyo lendlovu

amatjhipanzi

iingwenya

iirharhaba

anamazinyo ngakghunukiko

mhlobo weemfene ezihlakaniphe khulu

linobudisi obungaba miqgomu ebu-8

zinamazinyo ama-40



IGREYIDI 3 ILIMI LEKHAYA



Incwadi 3

<i>Isihloko:</i>	Kuyamangaza, kodwana liqiniso
<i>Ilimi:</i>	IsiNdebele
<i>Ileveli:</i>	IGreyidi 3 Incwadi yokufunda ngeLimi Lekhaya: Ileveli 3 Incwadi 3
<i>Umhlobo womtlolo:</i>	Ococwako
<i>Amagama atjhejweko:</i>	lokha, ukuvumela, ukutjhugulula, eqinisweni, pheze, imagnedi
<i>Ilwazi-magama:</i>	ukuthimula, umgogodlho, umhlobo, ukusahlela, inaba, ingala, umbala, ukubuza, ukukghunuka
<i>Amatjhada:</i>	dlh, kgh, tjh, khw, tlh, mtjh, hlw.
<i>Okumumethweko, imibono namakghono:</i>	<ul style="list-style-type: none">▪ Cocisanani ngeenthombe.▪ Funyanani ilwazi esiqetjhaneni esimumethe iqiniso bese niyaqinisekisa kobana amaphuzu aliqiniso kangangani.

IsiTatimende seKharikhyulamu yeliZweloke (i-TKZ) sifuna kobana abotitjhere babekele ngeqadi isikhathi qobe lilanga baqale umsebenzi wokufunda ohlahlwa ngutitjhere.

Ukufunda okuhlahlwa ngutitjhere kufuna abafundi abafunda ngezinga lokutjhelela elifanako kobana bafunde isiqetjhana esifanako, ngeenqhema begodu ngaphasi kwelawulo lakatitjhere.

Utitjhere kufanele ahlele iinkhathi zokufunda sekufaka hlangana namagama athileko azokuhlathululwa esiqetjhaneni kanye namaqhinga anembako wokufunda azokuthogwa bafundi. Elinye iqhinga elitlhogekako ngelokukhuluma ngesiqetjhana hlangana kwabafundi notitjhere begodu hlangana kwabafundi babodwa ngeenqhema.

Iincwadi lezi zifaka hlangana iinqetjhana ezinengi ekungakhulunywa ngazo, iinqetjhana ekungasuselwa kizo imibuzo kanye neminye imisebenzi engakusiza wena titjhere ukuze ukwazi ukuhlala abafundi bakho.

ISBN 978-1-4315-2437-2



9 781431 524372



ISBN 978-1-4315-2437-2

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Ezinye iincwadi zeGreyidi
3 ezisematjhelfini ngeLimi
Lekhaya:**

Leveli:

1

URobby umqasa onamaqhinga
udlelezela ipungutjha

Ikhambo eliyingozi elwandle

Siyazithabisa ngekhwitjhini

Idayari yomntwana otsitsilako

Leveli:

2

Ukubaleka okwaba yipumelelo

UThandi ube nelanga elimbi

Ipelaveke engekhe sayikhohlwa

Leveli:

3

Kunerhorho ngekhabetzeni lami

Icala lamakhekhe alahlekileko

Kuyamangaza, kodwana liqiniso